



Broj: 02-05-18376-22/15
Sarajevo, 25.06.2015. godine

Na osnovu člana 26. i 28. stav 4. Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka), Vlada Kantona Sarajevo, na **10.** sjednici održanoj **25.06.2015.** godine, donijela je sljedeći

ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec maj 2015. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Elmedin Konaković

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Bosna i Hercegovina
Federacija Bosne i Hercegovine
KANTON SARAJEVO
MINISTARSTVO UNUTRAŠNJIH POSLOVA
SARAJEVO

I N F O R M A C I J A
O STANJU KRIMINALITETA, JAVNOG REDA I MIRA I SIGURNOSTI
SAOBRAĆAJA NA PODRUČJU KANTONA SARAJEVO
ZA MJESEC MAJ 2015. GODINE

Sarajevo, juni 2015. godine

1. KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu maju 2015. godine, na području Kantona Sarajevo registrovano je 421-no krivično djelo¹ što je za 84 djela ili 16,6% manje u odnosu na isti mjesec prethodne godine.

Od ukupnog broja registrovanih krivičnih djela, 135 ili 32,1% izvršeno je od strane poznatih, a 286 ili 67,9% od strane nepoznatih izvršilaca.

Za 128 djela ili 44,7% od ukupnog broja krivičnih djela prijavljenih po nepoznatom izvršiocu, naknadno je identifikovan osumnjičeni izvršilac, od čega su 84 krivična djela iz izvještajnog, a 44 iz ranijeg perioda.

Iz naprijed navedenog proizilazi da su službenici Uprave policije MUP-a Kantona Sarajevo u mjesecu maju 2015. godine za ukupno 263 krivična djela ili 62,5%, identifikovali osumnjičene izvršioce, što je za 1,9% više u odnosu na isti mjesec prethodne godine.

Osnovni statistički pokazatelji kriminaliteta u mjesecu maju 2015. godine

mjesec	Broj KD			Broj djela za koja su naknadno identifikovani osumnjičeni izvršioци		Broj prijavljenih lica			Lišeno slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
maj 2015.	421	135	286	128	44	223	13	152	105
maj 2014.	505	164	341	142	70	236	21	141	100
<i>uporedba</i>	-84	-29	-55	-14	-26	-13	-8	11	5
	-16,6%	-17,7%	-16,1%	-9,9%	-37,1%	-5,5%	-38,1%	7,8%	5%

Zbog postojanja osnova sumnje da su počinili krivična djela prijavljena su 223 lica (13 ili 5,5% manje), od čega su 152 povratnika (11 ili 7,8% više) u izvršenju krivičnih djela (ili 68,2% od broja prijavljenih lica), 13 maloljetnika (osam ili 38,1% manje), a 105 lica je lišeno slobode (pet ili 5% više).


¹Tokom mjeseca maja ove godine Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 356 obavijesti (14 više) o događajima u kojima je pricinjena neznatna materijalna šteta.

Pregled kriminaliteta na području Kantona Sarajevo u mjesecu maju 2015/14. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	maj 2015.	maj 2014.	uporedba		rasvj. maj 2015.	
			+/-	%	broj kd	%
Protiv života i tijela	9	11	-2	-18,2%	8	88,9%
Protiv slobode i prava čovjeka i građanina	8	15	-7	-46,7%	8	100%
Protiv spolne slobode i morala	2	2	0	isto	2	100%
Protiv braka, porodice i mladeži	14	34	-20	-58,8%	14	100%
Protiv zdravlja ljudi	29	21	8	38,1%	29	100%
Protiv imovine	308	373	-65	-17,4%	152	49,4%
Protiv opće sigurnosti ljudi i imovine	16	5	11	220%	11	68,8%
Protiv sigurnosti javnog prometa	10	3	7	233,3%	10	100%
Protiv pravosuđa	1	2	-1	-50,0%	2	200% ²
Protiv javnog reda i pravnog prometa	20	34	-14	-41,2%	23	115% ³
Protiv podmićivanja i krivična djela protiv službene i druge odgov. funkcije	1	0	1	---	1	100%
ZONDINOIM-a - Zakon o nabavljanju, držanju i nošenju oružja i municije (Sl.novineKS br.38/07)	3	5	-2	-40,0%	3	100%
UKUPNO	421	505	-84	-16,6%	263	62,5%

U mjesecu maju 2015. godine u odnosu na isti mjesec prethodne, zabilježeno je značajno smanjenje broja registrovanih krivičnih djela za 84 ili 16,6%. Najznačajnije smanjenje zabilježeno je u oblasti protiv imovine (za 65 djela), zatim braka, porodice i mladeži (za 20), javnog reda i pravnog prometa (za 14), slobode i prava čovjeka i građanina (za sedam), itd. dok je povećanje evidentirano u oblastima protiv opće sigurnosti ljudi i imovine (za 11), zdravlja ljudi (za osam), sigurnosti javnog prometa (za sedam djela), itd.

Grafički prikaz broja registrovanih i rasvijetljenih krivičnih djela po policijskim upravama MUP-a KS



^{2,3} Pored rasvijetljavanja svih registrovanih djela iz ove dvije oblasti u mjesecu maju ove godine, rasvijetljena su i četiri djela iz ranijeg perioda.

Pregled registrovanih krivičnih djela na području Kantona Sarajevo u mjesecu
maju 2015. godine

ČLAN	KZ	Naziv člana	UKUPNO	KD ⁴	NN	NI
				421	286	128
172	FBiH	TEŠKA TJELESNA OZLJEDA		3	2	1
173	FBiH	LAHKA TJELESNA OZLJEDA		6	1	1
183	FBiH	UGROŽAVANJE SIGURNOSTI		8	0	0
203	FBiH	SILOVANJE		1	0	0
208	FBiH	BLUDNE RADNJE		1	0	0
217	FBiH	ODUZIMANJE DJETETA ILI MALOLJETNIKA		1	0	0
222	FBiH	NASILJE U PORODICI		13	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA		5	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA		24	0	0
286	FBiH	KRAĐA		44	37	27
287	FBiH	TEŠKA KRAĐA st 1.tačka a)		167	158	49
287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN		13	10	5
287/28	FBiH	TEŠKA KRAĐA U POKUŠAJU		8	8	4
287/33	FBiH	TEŠKA KRAĐA U POMAGANJU		1	0	0
289	FBiH	RAZBOJNIŠTVO		47	45	19
289/28	FBiH	RAZBOJNIŠTVO U POKUŠAJU		2	2	1
289/31	FBiH	RAZBOJNIŠTVO U SAUČINITELJSTVU		1	0	0
290	FBiH	UTAJA		4	0	1
293	FBiH	OŠTEĆENJE TUĐE STVARI		14	5	5
294	FBiH	PRIJEVARA		3	1	0
295	FBiH	IZNUDA		2	0	0
300	FBiH	PRIKRIVANJE		1	1	1
301	FBiH	PALJEVINA		1	1	0
323	FBiH	IZAZIVANJE OPĆE OPASNOSTI		13	7	2
323/28	FBiH	IZAZIVANJE OPĆE OPASNOSTI U POMAGANJU		1	0	0
327	FBiH	NESAVJESNO ČUVANJE PASA I DRUGIH OPASNIH ŽIVOTINJA		2	2	2
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA		10	0	0
338	FBiH	DOGOVOR ZA UČINJENJE KRIVIČNIH DJELA		1	1	1
347	FBiH	LAŽNO PRIJAVLJIVANJE		0	0	1
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI		1	0	0
362	FBiH	NASILNIČKO PONAŠANJE		13	5	5
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJIA		2	0	3
373	FBiH	KRIVOTVORENJE ISPRAVE		2	0	0
375	FBiH	OVJERAVANJE NEISTINITOG SADRŽAJA		2	0	0
384	FBiH	PRONEVJERA U SLUŽBI		1	0	0
Zakon o nabavljanju, držanju i nošenju oružja i municije (Sl. novine KS br. 38/07)				3	0	0

⁴ KD – ukupan broj registrovanih krivičnih djela, NN - broj djela počinjenih od strane nepoznatih izvršilaca, NI - broj krivičnih djela za koja su naknadno identifikovani osumnjičeni izvršiooci

1.2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

Tokom mjeseca maja 2015. godine u ovoj oblasti evidentirano je devet krivičnih djela (dva manje u odnosu na mjesec maj 2014. godine) i to: teška tjelesna ozljeda – tri (tri manje) i lahka tjelesna ozljeda – šest djela (tri više).

Iz ove oblasti ukupno je rasvijetljeno osam djela, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv devet lica, od kojih su četiri povratnika ili 44,4%, a tri su lišena slobode. Za sada je nerasvijetljeno jedno djelo teških tjelesnih ozljeda.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je osam krivičnih djela (sedam manje) - ugrožavanje sigurnosti za čije je izvršenje prijavljeno osam lica od kojih je sedam povratnika ili 87,5%, a pet je lišeno slobode.

Krivična djela ugrožavanja sigurnosti evidentirana su na području sljedećih općina: Stari Grad i Novi Grad - po dva, Centar, Novo Sarajevo, Ilidža i Ilijaš - po jedno djelo, a počinjena su upućivanjem verbalnih prijetnji, pisanjem poruka prijetjećeg sadržaja i sl. bez težih posljedica po oštećene.

1.2.3. KRIVIČNA DJELA PROTIV SPOLNE SLOBODE I MORALA

Iz oblasti krivičnih djela protiv spolne slobode i morala evidentirana su dva djela (isti broj djela kao u uporednom mjesecu) i to: silovanje i bludne radnje - po jedno djelo. Zbog postojanja osnova sumnje da su počinili ova djela prijavljeno je pet lica, od kojih su četiri maloljetnika, a jedno lice je lišeno slobode.

Zbog postojanja osnova sumnje da je dana 28.5.2015. godine u svom putničkom-motornom vozilu na lokalitetu Darive, općina Stari Grad upotrebom fizičke snage te iskoristivši alkoholisanost oštećene izvršio nasilan spolni odnošaj nad L.J. (1993) čime bi počinio krivično djelo iz člana 203. KZ FBiH-a (Silovanje) lišen je slobode i uz službeni izvještaj predat nadležnom tužilaštvu H. Zdravko (1994).

1.2.4. KRIVIČNA DJELA PROTIV BRAKA, PORODICE I MLADEŽI

U izvještajnom mjesecu evidentirano je 14 djela (20 manje) i to: nasilje u porodici - 13 i oduzimanje djeteta ili maloljetnika - jedno djelo, a zbog postojanja osnova sumnje da su ih počinili prijavljeno je 14 lica, od kojih je 10 povratnika ili 71,4%, a osam je lišeno slobode.

Krivična djela nasilje u porodici evidentirana su na području općina: Centar - četiri, Novo Sarajevo, Novi Grad i Ilidža - po dva, itd.

1.2.5. KRIVIČNA DJELA PROTIV ZDRAVLJA LJUDI

Prijavljeno je 29 krivičnih djela iz oblasti protiv zdravlja ljudi (osam više) i to:
- neovlašćena proizvodnja i stavljanje u promet opojnih droga (čl. 238. KZ FBiH) – pet,
- posjedovanje i omogućavanje uživanja opojnih droga (čl. 239. KZ FBiH) –24 djela.

Zbog postojanja osnova sumnje da su počinili navedena djela podneseni su službeni izvještaji protiv 33 lica od kojih su 23 povratnika ili 69,7% , a 21-no je lišeno slobode.

Policijski službenici Uprave policije MUP-a KS su Kantonalnom tužilaštvu Sarajevo podnijeli službene izvještaje protiv ukupno sedam lica zbog postojanja osnova sumnje da su u proteklom periodu u više navrata kupovali opojnu drogu „Marihuanu“ i „Amfetamin“ od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo iz člana 238. KZ FBiH-a (Neovlašćena proizvodnja i stavljanje u promet opojnih droga), te protiv 26 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga (“Marihuana”, “Amfetamin”, “Heroin”, itd.) čime bi počinili krivično djelo iz člana 239. KZ FBiH-a (Posjedovanje i omogućavanje uživanja opojnih droga).

Pregled oduzete količine opojnih droga u mjesecu maju 2015/14. godine

VRSTA OPOJNE DROGE	MAJ 2015. GODINE	MAJ 2014. GODINE
Marihuana (paketići)	30	1
Marihuana (JOINT - cigarete)	1	---
Marihuana (u gramima)	669	3330,00
Speed (paketići)	---	16
Heroin (paketići)	3	
Heroin (u gramima)	101	
Amfetamin (paketići)	14	16
Amfetamin (u gramima)	608	---
Ecstasy (tablete)	2	---
Cannabis (stabljike)	8	---
pribor sa ostacima droge (komada)	7	2

Podneseno je 16 zahtjeva za vještačenje nepoznate materije koja asocira na drogu po naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalaženja narkotičkih sredstava izvršen je pretres 16 lica, pet stambenih objekata i automobila po usmenim naredbama Opštinskog suda u Sarajevu.

1.2.6. KRIVIČNA DJELA PROTIV IMOVINE

U izvještajnom mjesecu, registrovano je 308 krivičnih djela protiv imovine, što je za 65 djela ili 17,4% manje u odnosu na isti mjesec prošle godine. Među djelima iz ove oblasti najbrojnije su: teške krađe – 180 djela (39 manje), zatim krađe – 44 (22 manje), razbojništvo – 47 (sedam više), oštećenje tuđe stvari – 14 (dva manje), teška krađa u pokušaju – osam (tri više), utaja – četiri (dva manje), prijevara - tri (11 manje), itd.

Za ukupno 152 ova djela ili 49,4% identifikovan je osumnjičeni izvršilac što je za 2,2% veća rasvijetljenost imovinskih delikata u odnosu na maj predhodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 91 slučaj (16 manje), zatim slijede stambeni objekti - 46 (24 manje), poslovni objekti - 41 (četiri više), itd.

Na području Kantona Sarajevo u mjesecu maju ove godine izvršena su 72 krivična djela teških krađa motornih vozila od čega je 19 ili 26,4% pronađeno i vraćeno vlasnicima (od strane policije MUP-a KS vraćeno je devet vozila, MUP RS-a – tri, drugih MUP-ova - jedno i vlasnici su sami pronašli – šest vozila).

Broj teških krađa motornih vozila, smanjen je za četiri ili 5,3%.

Pregled broja otuđenih i vraćenih motornih vozila na području Kantona Sarajevo po policijskim upravama u mjesecu maju 2015. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih mv	23	14	17	16	2	72
broj vraćenih mv	8	3	3	5	0	19
% vraćenih mv	34,8%	21,4%	17,6%	31,3%	0%	26,4%

Uporedni pregled broja otuđenih motornih vozila na području Kantona Sarajevo po policijskim upravama u mjesecu maju 2015/14. godine

POLICIJSKA UPRAVA	I PU	II PU	III PU	IV PU	V PU	UKUPNO	
broj otuđenih motornih vozila – maj 2015. godine	23	14	17	16	2	72	
broj otuđenih motornih vozila – maj 2014. godine	19	17	15	25	0	76	
uporedba maj 2015/14. godine	+, -	4	-3	2	-9	2	-4
	%	21,1%	-17,6%	13,3%	-36%	---	-5,3%

Prijavljena su 44 krivična djela krađe (22 manje), koja su izvršena 18 puta u poslovnim prostorijama, 12 puta u vozilima i na stajalištima GRAS-a, pet u stambenim objektima, sedam puta na ulici, itd. odakle su otuđivani novčanici, mobiteli, slivnici i poklopci za šahtove, auto dijelovi, nakit, alati, itd.


U mjesecu maju 2015. godine, registrovano je 47 krivičnih djela razbojništva (sedam više), od čega je za 21-no djelo ili 44,7% identifikovan osumnjičeni izvršilac što je za 2,2% više u odnosu na maj prethodne godine.

Razbojništva su evidentirana na području općina: Novo Sarajevo – 20 (14 više), Stari Grad - osam (jedno više), Ilidža – osam (dva više), Centar – četiri, (šest manje), Novi Grad – tri (šest manje), itd.

Ova djela izvršena su prijetnjom upotrebe vatrenog oružja - 18 puta, prijetnjom upotrebe noža ili drugog oštrog predmeta – 19 i upotrebom fizičke snage – deset puta, a počinjena su u prodavnicama – 23 puta, u sportskim kladionicama – sedam, na benzinskim pumpama – četiri, na ulici - 10, u tramvaju, banci i apoteci - po jednom. Otudivan je novac, mobiteli, prijenosni računari, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 11 lica, od kojih je deset povratnika ili 90,9% u činjenju krivičnih djela, a pet je lišeno slobode.


Grafički prikaz broja registrovanih krivičnih djela iz člana 289. KZFBiH (razbojništvo) po policijskim upravama MUP-a KS



Evidentirano je 13 krivičnih djela teških krađa na naročito opasan ili naročito drzak način (šest više), u kojima su izvršiooci, upotrebom fizičke snage – šest puta, te verbalnom prijetnjom u sedam slučajeva, otimali mobitele, nakit i novac. Ova djela izvršena su na otvorenom prostoru - 11 puta i u sportskoj kladionici - dva puta.

Za ukupno osam ovih djela identifikovani su osumnjičeni izvršiooci ili 61,5% (4,4% više u odnosu na uporedni mjesec), a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv šest lica od kojih je pet povratnika (ili 83,3%), a tri su lišena slobode.

Grafički prikaz broja registrovanih krivičnih djela iz člana 287.st (1) tačka b)
KZFBiH (teška krađa na naročito opasan ili naročito drzak način)
po policijskim upravama MUP-a KS



1.2.7. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je 16 djela (11 više) i to: izazivanje opće opasnosti - 13, nesavjesno čuvanje pasa i drugih opasnih životinja - dva i izazivanje opće opasnosti u pomaganju - jedno djelo, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 12 lica od kojih je devet povratnika u činjenju krivičnih djela ili 75%, a šest je lišeno slobode.


Krivična djela izazivanja opće opasnosti izvršena su 11 puta na otvorenom prostor i dva puta u stambenom objektu. U pet slučajeva pucano je iz vatrenog oružja, četiri puta je otvorenim plamenom izazvan požar i u četiri slučaja aktivirana je nepoznata eksplozivna naprava. Posljedica izvršenja navedenih djela je samoranjavanje jednog lica, nastala materijalna šteta i uznemirenost građana.

1.2.8. KRIVIČNA DJELA PROTIV JAVNOG REDA I PRAVNOG PROMETA

U ovoj oblasti registrovano je 20 krivičnih djela (14 manje) i to: nasilničko ponašanje – 13, nedozvoljeno držanje oružja ili eksplozivnih materija, krivotvorenje isprave i ovjeravanje neistinitog sadržaja - po dva i napad na službenu osobu u vršenju poslova sigurnosti – jedno djelo.

Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 19 lica, od kojih je 12 povratnika ili 63,2%, a šest je lišeno slobode.

Grafički prikaz broja registrovanih krivičnih djela iz člana 362 KZFBiH (nasilničko ponašanje) po policijskim upravama MUP-a KS



1.3. KRIVIČNA DJELA POČINJENA OD STRANE MALOLJETNIH IZVRŠILACA


U toku mjeseca maja 2015. godine policijski službenici su podnijeli službene izvještaje nadležnom tužilaštvu protiv 13 maloljetnih lica zbog osnova sumnje da su počinili 11 krivičnih djela. U poređenju sa istim mjesecom 2014. godine, broj krivičnih djela za čije izvršenje su prijavljena maloljetna lica smanjen je za osam ili 42,1%, a broj prijavljenih maloljetnih učinilaca krivičnih djela smanjen je za osam ili 38,1%.

Pregled broja maloljetnih izvršilaca krivičnih djela za mjesec maj 2015. godine prema starosnoj strukturi

Starosna dob maloljetnika	od 14 do 16 god.	od 16 do 18 god.	ukupno
Broj maloljetnih izvršilaca	10	3	13

Među maloljetnim učiniocima krivičnih djela, 10 je u dobi od 14 do 16 godina, a tri u dobi od 16 do 18 godina. Četiri maloljetnika (30,8%) su povratnici u izvršenju krivičnih djela.

Grafički prikaz broja krivičnih djela izvršenih od strane maloljetnih izvršilaca u toku mjeseca maja 2015. godine, po policijskim upravama



Maloljetna lica prijavljena su zbog krivičnih djela iz oblasti protiv imovine (sedam), te zbog krivičnih djela: teška tjelesna ozljeda, bludne radnje, nasilje u porodici i nesavjesno čuvanje pasa.

Pregled registrovanih krivičnih djela izvršenih od strane maloljetnih lica-mjesec maj 2015/2014. godine

Naziv krivičnog djela	maj 2015.	maj 2014.	+ - %
Teška tjelesna povreda	1	2	-50,0
Lahka tjelesna povreda	0	2	-100,0
Učestvovanje u tuči	0	1	-100,0
Bludne radnje	1	0	
Nasilje u porodici	1	3	-66,7
Posjedovanje opojne droge	0	2	-100,0
Krađa	2	0	
Teška krađa	1	2	-50,0
Teška krađa na naročito drzak i opasan način	3	0	
Razbojništvo	0	1	-100,0
Razbojništvo-pokušaj	1	0	
Razbojništvo-pomaganje	0	1	-100,0
Oštećenje tuđe stvari	0	2	-100,0
Paljevina	0	1	-100,0
Nesavjesno čuvanje pasa i dr. opasnih životinja	1	0	
Napad na službenu osobu u vršenju poslova sigurnosti	0	1	-100,0
Nasilničko ponašanje	0	1	-100,0
ukupno	11	19	-42,1

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca maja 2015. godine na području Kantona Sarajevo registrovana su četiri slučaja aktiviranja minsko-eksplozivnih sredstava (tri više u odnosu na isti mjesec 2014. godine), usljed čega je nastupila materijalna šteta na stambenim i ugostiteljskim

objektima. Eksplozije su se dogodile u kasnim noćnim i ranim jutarnjim satima, a izazvane su od strane, za sada, nepoznatih izvršilaca.

Slučajevi aktiviranja minsko-eksplozivnih sredstava u toku mjeseca maja 2015. godine

Općina	Ulica i mjesto eksplozije	Datum eksplozije	Posljedice	Izvršilac
Centar	Rušida Prgude, porodična kuća	03.5.2015.	oštećenja na kući	nepoznat
Iliđža	Barska 69, porodična kuća	12.5.2015.	oštećenja na dvije kuće	nepoznat
Iliđža	Rakovička cesta 259, dvorište kuće	23.5.2015	bez posljedica	nepoznat
Centar	Hiseta, Klub Slovenaca, restoran	27.5.2015.	oštećenje inventara	nepoznat

Preduzimajući aktivnosti na rasvjetljavanju slučajeva aktiviranja minsko-eksplozivnih sredstava, policijski službenici su podnijeli službeni izvještaj nadležnom tužilaštvu protiv dva lica (A.K.-1993. i B.M.-1980.) zbog osnova sumnje da su u aprilu mjesecu ove godine aktivirali eksplozivnu napravu ispred ugostiteljskog objekta na području općine Centar.

U proteklom mjesecu nije bilo registrovanih anonimnih dojava o postavljenoj eksplozivnoj napravi (u maju 2014. godine tri).

1.4.2. POŽARI

Tokom mjeseca maja 2015. godine, na području Kantona Sarajevo registrovana su 22 požara (šest više) koji su za posljedicu imali materijalnu štetu.

Požari su registrovani na području općina: Iliđža – devet, Novi Grad – šest, Novo Sarajevo - četiri, Centar, Hadžići, Trnovo – po jedan požar.

Prema statističkim pokazateljima, 10 požara je izazvano namjerno, tri zbog tehničkih nedostataka, dok uzrok devet požara spada u kategoriju ostalih.

1.4.3. OSTALE AKTIVNOSTI

U mjesecu maju ove godine, pripadnici policije su u sklopu operativnih aktivnosti izvršili pretres 81 lica, 14 stanova, izvršili utvrđivanje identiteta za 26 lica i lišili slobode četiri lica za kojima je bila raspisana potjernica. Takođe, pružene su 54 asistencije i to na zahtjev državnih organa 50, a po zahtjevu organa i organizacija javnih ovlašćenja – četiri asistencije.

U cilju dokumentovanja krivičnih djela i identifikacije izvršilaca, izvršeno je 340 uviđaja, pronađena i obrađena 724 traga, u 319 slučajeva fotografisano je lice mjesta, 27 puta je skicirano, izvršeno je 155 vještačenja i daktiloskopirano 17 lica.

U okviru potražne djelatnosti raspisano je osam potjernica po naredbama sudova Kantona Sarajevo, a 13 je obustavljeno (iz izvještajnog i ranijeg perioda). Takođe, zaprimljeno je 12 prijava o nestalim licima, a osam je obustavljeno.

U okviru depešnog saobraćaja predato je 2.312 depeša, primljeno 4.637, zatim tranzitirano 587, dok je za područje RS-a i Granične policije faksom predato 41-na depeša, što ukupno iznosi 7.577 komada obrađenih i razmjenjenih depeša.

Za potrebe tužilaštva i drugih nadležnih organa izvršeno je 2966 provjera iz službenih evidencija, na zahtjev građana izdato 412 uvjerenja o njihovoj osuđivanosti ili neosuđivanosti, otvorena 73 nova dosja i evidentirano 376 lica oštećenih činjenjem krivičnih djela. U izvještajnom mjesecu kontinuirano su pripremane informacije, bilteni, pregledi i analize za interno i eksterno informisanje.

1.4.4. SAMOUBISTVA

U mjesecu maju 2015. godine na području Kantona Sarajevo registrovana su četiri samoubistva (dva više) i to na području općina Stari Grad, Ilidža, Hadžići i Ilijaš - po jedno, a izvršena su vješanjem i upotrebom vatrenog oružja - po dva puta. Izvršiocu su muškarci u dobi od 21 do 30 godina - dva, od 31 do 40 god. i preko 50 godina - po jedno lice.

2. JAVNI RED I MIR


U toku mjeseca maja 2015. godine, policijski službenici MUP-a Kantona Sarajevo su protiv učinilaca prekršaja kojima se narušava javni red i mir preduzeli ukupno 500 prekršajnih sankcija (21 ili 4,4% više u odnosu na isti mjesec 2014. godine) od čega je 389 prekršajnih naloga, a 111 zahtjeva za pokretanje prekršajnog postupka. Sankcije su preduzete protiv 542 lica (11 ili 2,1% više).

Najveći broj prekršajnih sankcija odnosi se na prekršaje utvrđene Zakonom o prekršajima protiv javnog reda i mira (463 ili 92,6%), dok se na prekršaje utvrđene Odlukom općinskih vijeća o javnom redu i miru odnosi 37 ili 7,4% sankcija.

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, nije bilo teže povrijeđenih (kao i u istom mjesecu 2014. godine), dok je lakše povrijeđeno 29 lica (13 ili 31% manje).


Prema starosnoj strukturi lica protiv kojih su preduzete prekršajne sankcije najbrojniji su oni preko 36 godina (298), zatim između 26 i 35 godina (157) i između 19 i 25 godina (81), dok je maloljetnih izvršilaca bilo šest. Među učiniocima prekršaja iz oblasti javnog reda i mira, 86 je povratnika u izvršenju ovih prekršaja (ili 15,9%).

Grafički prikaz broja prekršajnih sankcija preduzetih u toku mjeseca maja 2015./2014. godine, po policijskim upravama (i Jedinica za saobraćaj)



Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (300 ili 60% od ukupnog broja), zatim Druge (97 ili 19,4%), Četvarte (50 ili 10%), Treće (38 ili 7,6%), te Pete policijske uprave (sedam ili 1,4%). Službenici Jedinice za saobraćaj MUP-a Kantona Sarajevo uručili su osam prekršajnih naloga (ili 1,8%).

Grafički prikaz broja prekršajnih sankcija u toku mjeseca maja 2015./2014. godine, po policijskim stanicama



Povećanje broja prekršajnih sankcija, u odnosu na mjesec maj 2014. godine, imale su policijske stanice:

- Stari Grad (za 27 ili 20,6%);
- Centar (za dva ili 1,4%);
- Novi Grad (za četiri ili 11,8%);
- Hadžići (za 10 ili 76,9%) i
- Ilijaš (za jedan ili 33,3%)

Smanjenje broja prekršajnih sankcija imale su policijske stanice:

- Novo Sarajevo (za osam ili 7,6%);
- Vogošća (za devet ili 75%) i
- Ilidža (za sedam ili 20,6%).

Policijsko odjeljenje Trnovo imalo je smanjenje broja prekršajnih sankcija za jedan ili 100%, a Jedinica za saobraćaj MUP-a KS povećanje za dva ili 33,3%.

Tabelarni pregled strukture prekršaja iz oblasti javnog reda i mira
za mjesec maj 2015./2014. godina

Prekršaji iz zakona o JRiM:	maj 2015.	maj 2014.	+ - %
-Tuče	38	58	-34,5
-Naročito drsko ponašanje	57	85	-32,9
-Odbijanje naređenja i omalovaž. pol. služb.	38	45	-15,6
-Prosjačenje	266	186	+43,0
-Svađa, vika, nepristojno ponašanje	12	13	-7,7
-Paljenje petardi	4	2	+100,0
-Uživanje opojne droge na javnom mjestu	0	2	-100,0
-Ostali prekršaji iz Zakona o JRiM	48	41	+17,1
Prekršaji prema Odluci općinskog vijeća o JRiM	37	47	-21,3
ukupno	500	479	+4,4

Najbrojniji su prekršaji učinjeni prosjačenjem (266 ili 53,2%), zatim naročito drskim ponašanjem (57 ili 11,4%), tučama (38 ili 7,6%), te odbijanjem naređenja i omalovažavanjem policijskih službenika (38 ili 7,6%). Zbog prekršaja učinjenih svadom, vikom i nepristojnim ponašanjem preduzeto je 12, zbog paljenja petardi četiri i zbog svih ostalih prekršaja 48 prekršajnih sankcija. Zbog prekršaja koji su utvrđeni Odlukom općinskih vijeća o javnom redu i miru preduzeto je 37 prekršajnih sankcija.

U odnosu na isti mjesec 2014. godine, u proteklom mjesecu povećan je broj prekršajnih sankcija zbog prekršaja učinjenih prosjačenjem, paljenjem petardi i zbog ostalih prekršaja, a smanjen zbog svih ostalih prekršaja.

Prema mjestu izvršenja, najveći broj prekršajnih sankcija preduzet je zbog prekršaja kojima se narušava javni red i mir na ulici i na drugim otvorenim prostorima (424 ili 84,8%), a znatno manje u ugostiteljskim objektima (24), trgovinskim radnjama (dva), sportskim terenima (dva), školama i školskim dvorištima (jedan), vozilima javnog saobraćaja (jedan) i na ostalim mjestima (46).

Tabelarni pregled broja preduzetih prekršajnih sankcija
u mjesecu maju 2015/2014. godine, prema mjestu izvršenja

MJESTO IZVRŠENJA	maj 2015.	maj 2014.	+ - %
Ugostiteljski objekti	24	15	+60,0
Ulice i drugi otvoreni prostori	424	413	+2,7
Vozila javnog saobraćaja	1	2	-50,0
Sportski stadioni i dvorane	2	2	0,0
Škole i školska dvorišta	1	4	-75,0
Trgovine i zanatske radnje	2	2	0,0
Ostala mjesta	46	41	+12,2
UKUPNO	500	479	+4,4

U odnosu na isti mjesec 2014. godine, u proteklom mjesecu povećan je broj prekršaja izvršenih u ugostiteljskim objektima, na ulici i drugim otvorenim prostorima, te na ostalim mjestima, broj prekršaja u školama i vozilima javnog saobraćaja je smanjen, dok je broj prekršaja izvršenih na sportskim terenima i u trgovinama ostao nepromijenjen.

Kada su u pitanju krivična djela izvršena u školama i školskim dvorištima, u mjesecu maju ove godine nije bilo evidentiranih krivičnih djela na ovom lokalitetu (u istom mjesecu 2014. godine četiri).

Policijski službenici su u toku mjeseca maja 2015. godine bili angažovani na osiguranju brojnih javnih skupova koji su održani na području Kantona Sarajevo i tim povodom preduzimate su odgovarajuće planske aktivnosti na njihovom bezbjednom odvijanju, tako da su sva javna okupljanja protekla bez narušavanja javnog reda i mira. Policijski službenici bili su angažovani na osiguranju 173 javna skupa (124 ili 41,8% manje u odnosu na mjesec maj 2014. godine), a u 40 slučajeva (17 ili 73,9% više) izvršeno je KDZ osiguranje ovih skupova.

3. SAOBRAĆAJ

Tokom mjeseca maja 2015. godine, u odnosu na isti mjesec prošle godine, na području Kantona Sarajevo registrovano je povećanje ukupnog broja saobraćajnih nezgoda, nezgoda sa materijalnom štetom, sa nastradalim licima i broja nastradalih lica.

Evidentirane su 984 saobraćajne nezgode (90 ili 10,1 % više), 910 sa materijalnom štetom (82 ili 9,9 % više) i 74 sa nastradalim licima (osam ili 12,1 % više).

U naselju su registrovane 934 saobraćajne nezgode (jedna sa poginulim, 69 sa povrijeđenim licima i 864 sa materijalnom štetom), van naselja 50 nezgoda (četiri sa povrijeđenim licima i 46 sa materijalnom štetom).

Evidentirano je 250 saobraćajnih nezgoda na raskrsnicama u naselju, 80 na raskrsnicama van naselja, dvije na pješačkom prelazu, dvije na mostu, dvije na nadvožnjaku i 648 saobraćajnih nezgoda čije se karakteristike puta ubrajaju u kategoriju ostalih.

Usporedni pokazatelji saobraćajnih nezgoda i posljedica na području Kantona Sarajevo
za mjesec maj 2015/2014. godina

	maj 2015	maj 2014	+,-,%
UKUPNO SAOBRAĆAJNIH NEZGODA	984	894	+ 90 ili 10,1 %
Saobraćajne nezgode sa nastradalim licima	74	66	+ 8 ili 12,1 %
Saobraćajne nezgode sa materijalnom štetom	910	828	+ 82 ili 9,9 %
POGINULO LICA	1	0	+ 1
- vozači	0	0	-----
- putnici	0	0	-----
- pješaci	1	0	+ 1
POVRIJEĐENO LICA	100	88	+ 12 ili 13,6 %
- vozači	47	41	+ 6 ili 14,6 %
- putnici	31	32	- 1 ili 3,1 %
- pješaci	22	15	+ 7 ili 46,7 %

Najveći broj saobraćajnih nezgoda evidentiran je na području općina: Centar (238) i Novi Grad (208). Najveće povećanje broja saobraćajnih nezgoda registrovano je na području općine Novi Grad (za 45 ili 27,6 %), a smanjenje na području općine Stari Grad (za 20 ili 19,4 %).

Tabelarni pregled broja saobraćajnih nezgoda po općinama
za mjesec maj 2015/2014. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
2015	83	238	159	208	173	32	0	59	32	984
2014	103	203	153	163	171	33	0	46	22	894
+,-,%	- 20 ili 19,4 %	+ 35 ili 17,2 %	+ 6 ili 3,9 %	+ 45 ili 27,6 %	+ 2 ili 1,2 %	- 1 ili 3 %	-----	+ 13 ili 28,3 %	+ 10 ili 45,4 %	+ 90 ili 10,1 %

3.1. POSLJEDICE SAOBRAĆAJNIH NEZGODA

Tokom mjeseca maja 2015. godine, u saobraćajnim nezgodama na području Kantona Sarajevo 101 lice je nastradalo (13 ili 14,8 % više). Jedno lice je poginulo⁵ (u istom mjesecu prošle godine nijedno), dok je 100 lica povrijeđeno (12 ili 13,6 % više), 14 teže i 86 lakše.

Među povrijeđenim licima evidentirano je:

- 47 vozača (šest više)
- 31 putnik (jedan manje)
- 22 pješaka (sedam više)

⁵ Dana 04.05.2015. godine, na raskrsnici ulica Dž. Bijedića i Zmaja od Bosne (općina Novo Sarajevo) poginula je Š. S. (33) – pješak.

Tabelarni pregled nastradalih lica u saobraćajnim nezgodama po kategoriji učesnika za mjesec maj 2015/2014. godina

	POGINULO			TEŠKO POVRIJEĐENO			LAKŠE POVRIJEĐENO		
	maj 2015	maj 2014	+, -, %	maj 2015	maj 2014	+, -, %	maj 2015	maj 2014	+, -, %
VOZAČI	0	0	-----	6	6	isto	41	35	+ 6 ili 17,1 %
PUTNICI	0	0	-----	2	2	isto	29	30	- 1 ili 3,3 %
PJEŠACI	1	0	+ 1	6	5	+ 1 ili 20 %	16	10	+ 6 ili 60 %
UKUPNO	1	0	+ 1	14	13	+ 1 ili 7,7 %	86	75	+ 11 ili 14,7 %

Kada je u pitanju stepen povreda, šest vozača je teže, a 41 lakše povrijeđen, dva putnika su teže, a 29 lakše povrijeđeno, dok je šest pješaka teže, a 16 lakše povrijeđeno.

Najveći broj povrijeđenih lica registrovan je na području općine Novi Grad – 23 (dva teže i 21 lakše).

Posljedice saobraćajnih nezgoda po policijskim upravama/stanicama za mjesec maj 2015/2014. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		maj 2015	maj 2014	uporedba	maj 2015	maj 2014	uporedba	maj 2015	maj 2014	uporedba
I PU	Stari grad	0	0	-----	1	2	- 1 ili 50 %	2	8	- 6 ili 75 %
	Centar	0	0	-----	4	1	+ 3 ili 300 %	20	9	+ 11 ili 122,2 %
II PU	Novo Sarajevo	1	0	+ 1	3	2	+ 1 ili 50 %	6	6	isto
III PU	Novi Grad	0	0	-----	2	3	- 1 ili 33,3 %	21	17	+ 4 ili 23,5 %
IV PU	Iliđža	0	0	-----	3	1	+ 2 ili 200 %	14	16	- 2 ili 12,5 %
	Hadžići	0	0	-----	0	1	- 1	4	5	- 1 ili 20 %
	Trnovo	0	0	-----	0	0	-----	0	0	-----
V PU	Vogošća	0	0	-----	0	1	- 1	13	5	+ 8 ili 160 %
	Ilijaš	0	0	-----	1	2	- 1 ili 50 %	6	9	- 3 ili 33,3 %
UKUPNO		1	0	+ 1	14	13	+ 1 ili 7,7 %	86	75	+ 11 ili 14,7 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 21 lice, od 41 do 50 godina - 15 lica, od 21 do 24 godine – 11 lica, od 51 do 65 godina – devet lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 764 nezgode u kojima je 75 lica nastradalo (jedno lice poginulo, 74 lica povrijeđena), zatim na magistralnim putevima – 85 nezgoda u kojima je sedam lica povrijeđeno, na lokalnim putevima – 77 nezgoda (11 lica povrijeđeno), na regionalnim putevima – 25 nezgoda (šest lica povrijeđeno) i na putevima koji se ubrajaju u kategoriju ostalih – 33 saobraćajne nezgode (dva lica povrijeđena).

3.2. UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 824 (56 lica povrijeđeno), neprilagođena brzina - 148 (jedno lice poginulo, 37 lica povrijeđeno) i uticaj alkohola – 12 (sedam lica povrijeđeno).

Evidentirane su četiri saobraćajne nezgode (tri manje), u kojima su učestvovali pripadnici MUP-a Kantona Sarajevo. U navedenim saobraćajnim nezgodama nije bilo nastradalih lica.

Evidentirano je 35 saobraćajnih nezgoda (13 više) u kojima su učestvovali inostrani vozači i tri nezgode (pet manje) u kojima su učestvovala vozila međunarodnih organizacija (bez nastradalih lica).

3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec maj 2015 /2014. godine

	maj 2015/2014	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2015 2014	22.289 15.871	5.066 2.534	3.980 2.097	4.021 3.242	3.988 3.345	817 821	4.417 3.832
broj uručenih prekršajnih naloga	2015 2014	17.510 12.722	4.546 2.287	3.897 1.849	824 757	1.257 1.053	336 461	6.650 6.315
broj zahtjeva za p.p.p.	2015 2014	58 59	3 38	2 2	12 0	36 11	3 2	2 6
broj isključenih vozila iz saobraćaja zbog tehničke neispravnosti	2015 2014	50 10	0 0	1 1	0 1	0 0	0 1	49 7
broj vozača zatečenih da upravljaju vozilom pod dejstvom alkohola	2015 2014	453 286	211 55	68 57	9 7	22 17	18 43	125 107
broj vozača zatečenih da upravljaju vozilom bez korištenja sig. pojasa	2015 2014	469 1.005	92 77	189 202	70 103	100 94	18 29	0 500
broj vozača zatečenih da upravljaju vozilom bez položenog vozačkog ispita	2015 2014	258 243	95 61	32 58	5 13	19 10	9 24	98 77
broj vozača zatečenih da upravljaju vozilom pod izrečenom zaštitnom mj.	2015 2014	0 0	0 0	0 0	0 0	0 0	0 0	0 0
broj vozila otkrivenih da učestvuju u saobraćaju bez važeće registracije	2015 2014	196 167	40 39	20 21	6 14	27 10	15 15	88 68

Tokom mjeseca maja 2015. godine, kontrolisano je ukupno 22.289 vozila (6.418 više), 3.491 lice u vozilima (269 manje), izvršen je pregled 197 vozila (229 manje) i 159 lica u tim vozilima (83 manje).

Zbog tehničke neispravnosti iz saobraćaja je isključeno 50 vozila (40 više), 453 vozača su zatečena da upravljaju vozilom pod dejstvom alkohola (167 više), 469 bez korištenja sigurnosnog pojasa (536 manje), 258 bez položenog vozačkog ispita (15 više), a 196 vozača je učestvovalo u saobraćaju bez važeće registracije (29 više).

Zbog kršenja propisa iz oblasti sigurnosti saobraćaja uručeno je 17.510 prekršajnih naloga vozačima (4.788 više u odnosu na maj prošle godine) i podneseno 58 zahtjeva za pokretanje prekršajnog postupka (jedan manje).

3.4. MIRUJUĆI SAOBRAĆAJ I KONTROLA PJEŠAKA

Policijski službenici su i tokom mjeseca maja 2015. godine organizovali aktivnosti po pitanju saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručeno je 8.112 prekršajnih naloga (3.637 više), upozoreno je 370 vozača (20 manje), a specijalnim vozilom "pauk" premješteno je 248 vozila (47 više).

3.4.1. URUČENI PREKRŠAJNI NALOZI ZA NEPROPISNO PARKIRANJE PO OPĆINAMA

Zbog nedozvoljenog parkiranja, najveći broj prekršajnih naloga uručen je na području općine Novo Sarajevo – 2.690, zatim: Centra – 2.259, Starog Grada- 1.212, Ilidže – 563, Novog Grada – 438, Hadžića – 125, Vogošće – 40, Ilijaša – 13.

Službenici Jedinice za saobraćaj uručili su 772 prekršajna naloga vozačima.

Takođe, pješacima koji su kršili propise uručeno je 105 prekršajnih naloga (70 više), a upozoreno je 77 pješaka (14 manje).

4. ZAKONITOST U RADU

Tokom mjeseca maja 2015. godine, registrovan je jedan napad na policijske službenike MUP-a Kantona Sarajevo (sedam manje). U napadu je učestvovalo jedno punoljetno lice koje je lišeno slobode.

Policijski službenici su u tri slučaja opravdano upotrijebili silu (tri manje):

- fizičku snagu i sredstva za vezivanje – dva puta
 - Druga PU (PS Novo Sarajevo) - jednom
 - Četvrta PU (PS Ilidža) – jednom
- vatreno oružje – jednom
 - Peta PU (PS Vogošća)

Tokom mjeseca maja 2015. godine registrovana je 21 predstava na rad službenika policije među kojima je za pet predstavki (tri manje) data saglasnost za sprovođenje unutrašnjih istraga, dok je za 16 predstavki donesen zaključak da su neosnovane.

Postupano je po 22 predstave iz ranijeg perioda, tako da je razmatrano ukupno 27 predstavki (tri manje).

Okončano je sedam unutrašnjih istraga, među kojima je pet bilo bez dovoljno dokaza, u jednom slučaju predstavka je osnovana, dok je u jednom slučaju stranka odustala od žalbe.

4.1. PRAVNA REGULATIVA

U okviru Pravne regulative vršeni su sljedeći poslovi:

- Uredu policijskog komesara je ispred Jedinice za profesionalne standarde upućen odgovor u vezi sačinjavanja Prijedloga pravilnika o utvrđivanju vrste pružanja specijalnih usluga po zahtjevu trećih lica, visine naknade, raspodjele i korištenja vlastitih prihoda.
- U toku je izrada konačnog prijedloga Pravilnika o upotrebi sile.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2015.“

U mjesecu maju ove godine evidentirana su tri djela regulisanih ZONDINOIM-om (dva manje) počinjenih od strane tri lica od kojih su dva lišena slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: tri puške, pet pištolja, dvije "eksplozivne naprave i sredstva", 28 „noževa, mačeva, sablji i sl.“, tri boksera, 256 komada municije raznog kalibra, itd.

Takođe, tokom ovog mjeseca organizacione jedinice ovog Ministarstva, u saradnji sa štabovima Civilne zaštite, EUFOR-om i Oružanim snagama BiH, aktivno su učestvovalе u realizaciji akcije "ŽETVA 2015" s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – tri komada,
- mine, granate, trombloni i sl. - pet kom.,
- municija raznog kalibra – 104 komada, itd.

U mjesecu maju ove godine fizičkim licima izdato je 109 odobrenja za nabavku vatrenog oružja i 112 oružnih listova.